

SÁMI DÁIDDÁRSTIPEANDA NJUOLGGADUSAT

Lága vuoigatvuodavuođu: Kulturdepartemeanta mearridan čakčamánu 16.b 1998 vuolgán stuorradikki mearrádusas geassemánu 19.b. 1997. Sirdun Sámediggái Norggas ođđajagimánu 1.b. 2002, vuolgán stuorradikki mearrádusas juovlamánu 14.b.2001. Sirdun Sámi Dáiddárráđđái Sámedikki dievasčoahkkin mearrádusa vuodul Skábmamánu 27.b. 2003, ášši 42/03. Njuolggadusat dohkkehuvvon Sámi dáiddárráđi (SDR) jahkečoahkkimis miessemánu 6.b. 2006. Rievdaduvvon SDR jahkečoahkkimiin miessemánu 19.b. 2012, geassemánu 20.b. 2019, juovlamánu 16.b. 2020 ja digitalalaččat 2021.

- I. OASSI Obbalaš diedut
- II. OASSI Oktasaš njuolggadusat
- III. OASSI Sierra mearrádusat iešguđetge stipeandaid ektui

I. oassi Obbalaš diedut

1. Sámi dáiddárstipeanddat

Sámi dáiddárstipeanddat leat bargostipeanda, bargostipeanda nuorra easkaálgán ámmátdáiddáriidda, lotnolasstipeanda, seniorstipeanda, oanehisáiggestipeanda ja smávit stipeanddat. Stipeanddat juolluduvvojit daid iešguđetge dáiddáriid ohcamiid vuodul. Bargostipeandaid galgá álgit jođánis lágiin, dáiddárat geat gerget oahpuin manjimus geassemánu/suoidnemánu juolludanjagis. Smávit stipeanddat galgá geavahuvvot juolludanjagis.

2. Ruhtajuolludeapmi

Sámediggi mearrida juohke jagi iežas bušeahtta vuodul ruđa dáiddárstipeanddaide. Sámi Dáiddárráđi ja Sámediggi siehtadeaba jahkásaččat ruđaid dáiddársiehtadusa bokte

II. oassi. Oktasaš njuolggadusat

3. Ortnege ulbmil

Stipeandaortnet dáiddáriidda galgá veahkehit joksat Sámedikki dáiddapolitihka ulbmiliid, go láhččojuvvo dilli vai ovttaskas dáiddár galgá sáhttit Sámedikki njuolgojuolludusa bokte váikkuhit mánggabealat ja ođđahámat dáiddaeallimii.

4. Ulbmiljoavku – gii sáhtta ohat

- Sámi dáiddárstipeanddat juhkkuojuvvo sámi dáiddáriidda geat eanas áiggi orrot ja doibmet Norggas. Go orru govtolaš, de sáhtta spiehkastit Norggas orruma ja doaimama gáibádusas.
- Ohccit geat devdet gáibádusa leat Sámedikki jienastanlogus riikkain gos sii ássat.
- Ohcama sáhtta sáddet son guhte atná iežas sámi dáiddáriin ja lea bargan dahje geas lea ámmátlaš gaskavuolta dasa.
- Ohcat sáhttet ovttaskas dáiddárat, eaige dáiddárjoavkkut.
- Ohccit galget sáhttit duođaštit dáiddalaš buvttadusa dahje doaimmaid.
- Dáiddársearvi miellahttuvuohta ii gáibiduvvo.
- Ohccit guđet juolluduvvon stipeandda ovddas eai leat sádden raportta dahje dasa gulli rehketdoalu vaikke lea jerrojuvvon, eai sáhte vuordit ahte ođđa ohcan meannuduvvo ovdal dán čorgema. Seamma guoská jus váilot golloduđaštusat (mildosat) iešguđetlágan stipeandda geavaheamis.

5. Juolludeami eavttut

Go juolluduvvo stipeanda galgá dušše deattuhit dáiddalaš doaimma ja kvalitehta. Ii galgga smiehttat sohka gotti, dáiddárserviid miellahttuvuođa, dahje oskkolaš ja politihkalaš oainnu. Agi galgá váldit vuhtii dušše daid háviid go lea mearriduvvon ahte lea/ dahje sáhtta leat eaktun juolludeapmái. Váltonjuolggadus lea ahte seamma dáiddár ii sáhte oazžut eanet go ovtta stipeandda

SÁMI DÁIDDÁRSTIPEANDA NJUOLGGADUSAT

jahká. Sii guđet ožžot bargostipeandda, stipeandda nuorra easkaálgi dáiddáriidda, seniorstipeandda sáhtá liikká oažžut smávit stipeanddaid maid.

Buot bargostipeanddain ferte leat bargoplána mii čilge doaimma dan áigodagas masa ohcá ruđa.

6. Almmuheapmi, ohcanáigemearri

Stipeanddat almmuhuvvojit Sámi Dáiddárráđi websiiduin, sámi áviissain ja beaivválaš áviissain.

Ohcanáigemearri lea golgotmánu 15.b. juohke jagi. Jus ohcanáigemearri šaddá lávvardaga dahje sotnabeaivve, sáhtá sirdit áigemeari eará beaivái.

7. Gáibádus ohcama sisdollui ja hápmái

Ohcan čállojuvvo elektrovnnalaš ohcanskovvá mii lea Sámi Dáiddárráđi ruovttosiiduin; www.samidaiddar.no. Ohcanskovi ii sáhte sáddet poastta dahje e-poasta bokte.

7.1 Heaggadieđut

- Almmut nama, čujuhusa ja riegádannummara (11 logu) mii álbmotregistaris lea ohcci namas.
- Ohccit geain ii leat riegádannumar fertetit háhkat norgga ID-nummara ja norgga vearrokoarta ovdal go sáhttit sidjiide máksit .
- Ii sáhte organisašuvdnanummara atnit ohcamii.

7.2 Válljet fágálávdegotti

- Merkes dan fágálávdegotti mii du mielas galggašii du ohcama meannudit. Jus eahpidat guđe fágálávdegotti válljet, de merkestat dan dáiddasuorggi maid anát leat lagamussan iežat plánaide ja ideaide. Almmut dán birra mearkkašumiid sajis.
- Juohke fágálávdegoddái sáhtát sáddet dušše ovttá ohcama. Jus ozat eambo stipeanddaid, omd. bargostipeandda ja iešguđetlágan stipeanddaid seamma fágálávdegottis, de čohkke daid seamma ohcamuššii.
- Jus háliidat ohcat mángga dáiddasuorggis, de fertet čállit ollislaš ohcama juohke guoskevaš fágálávdegoddái.

7.3 Jus leat studeanta 1.1 dan jagi go doarjja juolluduvvo

- Ohccit guđet juolludanjagis leat vuodđooahpus, galget dieđihit dan birra ja goas oahppu jáhkkmis nohká. Vuodđooahppu galgá leat nohkan ovdal go stipeanda juolluduvvo.
- Stipeanda ferte álggahuvvot juolludan jagis.
- Bija dieđuid fárrui makkár oahpuid, kurssaid jna, dus leat mat leat áššáigullevaččat ohcamii.
- Oahppu ii gáibiduvvo.

7.4 Doaibma ja buvttadus

- Muitalastte oanehaččat makkár dáiddalaš bargguid leat bargan.
- Čális áinnas dakkáriid mat eai gula dáiddalašvuhtii, jus dát leat dehálaččat du ja du duogáža govvideapmái.
- It galgga rehketoalo itge ruhtadili namuhit.

7.5 Stipeandda/stipeanddaid atnu

- Čilges plánaidat, dáiddalaš jurdagiiddát, prošeavttaidat, dárbbuidat jna. Juohke jagi bohtet olu ohcamat. Fuolat ahte dus lea vuđolaččat bargojuvvon ohcan ja ahte das lea buorre kvalitehta.
- Jus leat merken ahte leat ohcan mángga stipeandda, o.m.d. bargostipeandda ja mángga iešguđetlágan stipeanddaid, de galggaat juohke stipeandda vuđuštit.
- Sáhtá oažžut mángga stipeandda oktanaga, o.m.d. bargostipeandda ja iešguđetlágán smávit stipeanddaid.

SÁMI DÁIDDÁRSTIPEANDA NJUOLGGADUSAT

7.6 Mildosat

- Mildosat eai galgga oktiibuot leat badjel 50 MB.
- Leage buorre ja sádde digitaliserejuvvon mildosiid nugo govaid, filmmaid dahje eará iežat dáiddalaš bargguin. Musihkkamildosiin eanemus 3 šuoŋa. Govvadáiddárat, dáiddaduojarát ja dáiddalaš govvideaddjit eanemus 5 gova. Girječállit eanemus 3 siidu mánu. Filbma/video gaskkal 1-3 mildosa main juohkehaš lea eanemusat 10 min guhkkosaš.
- Muite mitalit galle mildosa leat mielde ja mat dat leat. Hui buorre jus nummarasttát daid jus leat eambo mildosat.
- Sáhtát almmuhit liŋkkaid fiillaide maid sáhttit viežžat.
- Ále sádde rehketdoalu dahje ruhtadili duođaštusaid.

8. Fágálávdegottiid organiseren

Dáiddárserviid jahkečoahkkimat nammadit fágálávdegoddái lahtuid ja sadjásaš lahtu guovtti jahkái. Dat välljejuvvo guokte (2) lahttu ja okta (1) sadjásaš lahtu. Lahtuid ja sadjásaš lahttu ii sáhte leat lávdegottis eambo go 4 jagi maŋŋála.

Dáiddársurggiin main ii leat ovddasteaddji organisašuvdna mas lea dárbbaslaš áššegelbbolašvuohta, de sáhttá Sámi Dáiddárráđi nammadit dakkára. Ja nu maid seamma lánkai jus muhtin dáiddarsearvi ii leat nammadan fágálávdegotti lahttu áigemearrái. Jus okta fágálávdegoddi ii čađat čoahkkima áigemeari siste sáhttá Sámi Dáiddárráđi hálddáhhus nammadit eará fágačehpiid sadjái.

Lotnolasstipeandda várás nammaduvvojit fágálávdegoddái lahttut dáiddárserviid lahttuid gaskkas.

Jus fágálávdegotti lahttu ii sáhte meannudit ohcamušaid, boahťa sadjásaš lahttu su sadjái. Fágálávdegottis lea meannudanváldi go guokte (2) lahttut lea das dahje go okta (1) lahttu ja okta (1) sadjásaš lahttu leaba das. Lotnolas stipeandda ektui sáhttá spiehkastit galle fágačeahpit oasálastet čoahkkimii.

Fágálávdegotti lahttut ja sadjásaš lahttut eai sáhte ieža ohcat dáiddárstipeandda dan áigodagas go leat välljejuvvon.

8.1 Fágálávdegottiid evttohangáibádusat

Sámi Dáiddárráđi čállingoddi váldá vuostá ja registrere ohcamušaid, ja ráhkkanahťtá áššiid mat galget gieđahallot fágálávdegottiin. Ohcamat mat eai gula russejuvvon suorgái, sirdojit rivttes suorgái. Ohccái diedihuvvo vejolaš sirdima birra.

SDR hálddáhhus galgá oaivvadit fágálávdegottiid mo čađahit dohkálaš áššemeannudeami ja gozihit ahte dohkálaš áššemeannudanprinsihpat čuvvojuvvojit. Bargu galgá čađahuvvot hálddašanlága áššemeannudanmearrádusaid mielde, masa gullet bealálašvuođa, jávohisbággu ja oaivvadangeatnegasvuohta

Fágálávdegottit evttohit geaidda stipeanddaid juohkit. Fágálávdegottit galget ohcciide evttohit juolludemiid dáiddalaš kvalitehta ja dáiddalaš doaimmaid árvoštallama vuodul, gustojeaddji njuolggadusaid mielde.

8.2 Fágálávdegottiid áššemeannudeapmi

Fágálávdegotti ráhkkanahťtá evttohusaid Váldolávdegoddái. Juohke bargostipendii ja oanehisáigestipendii evttohuvvo okta (1) evttohas. Evttohusat galget leat fágalaččat ákkastallojuvvon. Smávit stipeanddaide evttohuvvojit golbma (3) evttohasa vuoruheami mielde. Juohke olbmo nammii galgá ráhkaduvvot oanehis čilgehus juolludanevttohussii, mas čilgejuvvo vuđolaččat makkár ákkat leat mearrideaddjin nammadeapmái.

Áššemeannudeaddji galgá čállit beavdegirjji evttohančoahkkimiin. Beavdegirjji galgá oaidnit:

SÁMI DÁIDDÁRSTIPEANDA NJUOLGGADUSAT

- a) goas čoahkkimat leat lágiduvvon
- b) geat čoahkkimiin ledje mielde
- c) bealálašvuohta
- d) galle ohcamuša leat boahtán ja meannuduvvon
- e) ohccit evttohuvvon vuoruheami vuodul
- f) Ohcamušat mat eai meannuduvvon, oktan hilguma ákkaiguin

Fágálávdegotti evttohusat eai leat almmolaččat ovdal go Váldolávdegoddi lea mearridan stipeandajuohkimiid, ja go dát mearrádusat leat almmuhuvvon. Meannudeapmi ohcamušain mat eai oaččo stipeandaid ii galgga oppalohkái almmuhuvvot. Áššemeannudeaddji čállá beavdegirji čoahkkimiin.

Fágálávdegottit sáhttet gohččojuvvot buktit cealkámuša váidalanáššiin.

9. Váldolávdegotti organiseren

Sámi dáiddárstipeandda juohká golmma (3) olbmo Váldolávdegoddi.

SDR jahkečoahkkin vállje vuosttas geardde golmma (3) olbmo lávdegotti oktan persovnnalaš sadjásažžan. Váldolávdegoddi válljejuvvojit lahttut ja sadjásaš lahttut SDR miellahttoserviidi miellahtuid gaskkas. Lávdegoddi válljejuvvo guovtti (2) jahkái.

Go stipeandaáigodat lea nohkan válljejuvvo lávdegoddelahttot ja sadjásaš lahttut dain serviin mas ii leamaš áirrasdoaima mañimuš 2 jagi.

Stipeandalávdegottis lea mearridanváldi go 3 lahttu leat čoahkkimis, dahje go 2 lahttu ja 1 sadjásaš lahttu leat čoahkkimis.

Váldolávdegotti lahttut ja sadjásašlahtut eai sáhte ieža ohcat sámi dáiddárstipeandaid dan áigodagas go ieža leat válljejuvvon.

9.1 Váldolávdegotti mearrádusat

SDR čállingoddi ráhkkanahhtá áššiid mat galget meannuduvvot Váldolávdegotti čoahkkimiin ja čadaha Váldolávdegotti mearrádusaid.

Bargu galgá čadahuvvot hálldašanlága áššemeannudanmearrádusaid mielde, masa gullet bealálašvuohta, jávohisbággu ja oaivvadangeatnegasvuohta.

Váldolávdegoddi juohká stipeandaid fágálávdegottiid evttohusaid vuodul ja bearráigeahččá ahte láhkageavaheapmi ja áššemeannudeapmi lea riehta.

Váldolávdegoddi evttoha juolludemiid stipeandaide gustovaš jahkái ja Váldolávdegoddi vállje álo sadjásaš kandidáhtaid stipeandaide. Sadjásaš kandidáhtaid namat eai almmuhuvvo. Ii ohccige ieš beasa gullat leago son biddjon sadjásažžan. Sadjásaš kandidáhta almmuhuvvo jus muhtin lea cealkán eret stipeandda, ja sadjásaš kandidáhta sáhtta stipeandda váldit vuostá.

Seammalágan vuoduštus addojuvvo ohcciide geaidda eai juolluduvvo stipeanddat.

Beavdegirjjiis galgá oidnot:

- a) goas ja gos čoahkkimat leat lágiduvvon
- b) geat čoahkkimiin ledje mielde
- c) bealálašvuohta
- d) makkár mearrádusat lea gieđahallojuvvon
- e) mii meannudeami boadus lea
- f) Ohcamušat mat eai meannuduvvon, oktan hilguma ákkaiguin

Áššemeannudeaddji čállá beavdegirjji. Raporta juolludemiin sáddejuvvo Sámi Dáiddárráđđái.

SÁMI DÁIDDÁRSTIPEANDA NJUOLGGADUSAT

10. Váidinvejolašvuohta

Váldolávdegotti mearrádusaid sáhtá váidit. Dušše áššemeannudeami ja láhkageavaheami sáhtá váidit. Gonagaslaš cealkámuša nr., 924 Skábmamánu 20. b. 1987 mielde ii sáhte váidit dáiddalaš árvvoštallama.

Váldolávdegoddi meannuda váidaga ja sáhtá rievdadit mearrádusastis. Jus Váldolávdegoddi doalaha mearrádusgis, de sáhtá mearrádusa váidit Sámi Dáiddárráđi stivrii.

Ohccit geaid ohcan hilgojuvvo, sáhttet váidit hilgunmearrádusa hálddašanlága § 2, goalmát ladđasa ja hálddašanlága kap VI vuodul.

11. Gáibádusat raporteremii ja čuovvoleapmái

Guđet ožžot stipeandda galget sáddet raporta stipeandda geavaheamis Sámi Dáiddárráđđái. Skovvi lea SDR neahttasiiduin; www.samidaiddar.no. Raporta čállojuvvo vasedin skovváii ovdal ođđajagimánu 15. beaivvi jagi maŋŋil juolludeami. Bargostipeandda geavaheapmi galgá raporterejuvot jahkásáččat dan áigodagas masa stipeanda lea juolluduvvon. Sámi Dáiddárráđi čállingoddi dárkkista raportaidda dábaláš govttolašvuođain. Čállingoddi dárkkista raportaidda ja árvvoštallá leatgo stipeandarudat geavahuvvon juolludusa eavttuid mielde. Čállingotti árvvoštallan čađahuvvo dan vuodul maid stipeandaohcci ieš lea almmuhan.

12. Váikkuhusat jus boasttu dieduid addá dahje jus ii čuovo eavttuid

Jus bargostipeandda raporterengeatnegasvuohta ii dollojuvvo, de bissehuvvo máksu dassázii go stipeandaohcci raportere. Bargostipeandaoažžut geat eai sádde raporta, massá vuoigatvuođa joatkit stipeanddain dássázii go lea máksán ruovttoluotta ruđaid.

Jus raporta geavaheami birra smávit stipeanddain, dokumentašuvdna ruhtageavaheamis jna eai boade vaikko mii leat jearahan daid, dahje stipeandaoažžu lea boasttu dieduid sádden, de boahatá juolluduvvon ruhta gáibiduvvot máksujuvnot ruovttoluotta. Ođđa stipeanddat eai boade juolluduvvot ovdal doarjaga lea máksun ruovttoluotta.

Stuoradikki juolludanmearrádusaid § 17 mielde sáhtá departemeanta ja/dahje Riikarevišuvdna dárkkistit ahte leatgo stáhta doarjagat dahje juolludeamit almmolaš dahje priváhta doaimmaide geavahuvvon eavttuid mielde.

13. Maŋidit/ rievdadit stipeandda geavaheami

Stipeandda vuostáiváldi sáhtá erenoamáš dilálašvuođaid geažil ohat maŋideami dahje eará láhkai geavahit stipeandda. Dákkár ohcan sáddejuvvo Sámi Dáiddárráđi čállingodđái guhte gieđahallá dan.

III oassi. Sierra mearrádusat daid iešguđetge stipeanddaid ektui

14. Bargostipeanda

14.1 Ulbmil

Bargostipeanda galgá ovttaskas sámi dáiddárii addit vejolašvuođa bargat prošeavttain dahje čiekŋudanbarguiguin dainna ulbmilin ahte dáiddára doaibma ahtanušašii.

SÁMI DÁIDDÁRSTIPEANDA NJUOLGGADUSAT

14.2 Guhkkodat

Bargostipeanda juolluduvvo jagis golbma jahkái. Go mearrida stipeandda guhkkodaga galgá geahččat ohcci vuodustusa ohcamušas.

14.3 Eará bargooktavuođat

Dáiddárat geaidda juolluduvvo bargostipeanda, eai sáhte stipeandaáigodagas leat virgáduvvon badjel 50 % bistevaš bargodilis. Dáiddár geasa juolluduvvo bargostipeanda, sáhtá bargat olles virggis guhtta mánu, ođđajagimánu l.b. rájes juolludanjagis. Dáiddárat geaidda juolluduvvo bargostipeanda, geat leat bistevaš barggus badjel 50 %, fertejit buktit duodaštusa bargoaddis virggi unnideames. Stipeandaoažžus lea geatnegasvuohta mitalit leago bargodilli njuolggadusaid mielde. Stipeandaoažžu ii galgga leat vuoddoeahpus mielde mas lea eambo go 50% bargu.

14.4 Raporterengáibádus

Bargostipeandda vuostáiváldit galgá sáddet jahkásaš raporta čilgen dihtii dáiddalaš doaibmama stipeandajagis. Dieđut devdojuvvojit mearriduvvon skovváii ovdal ođđajagimánu 15.b. juohke jagi. Jus dáiddár nu ii daga, bissehuvvo stipeanda dassáži go ášši lea ortnegis.

14.5 Virgelobi

Bargostipeandda vuostáiváldit sáhttet erenoamáš dilálašvuodain ohcat virgelobi stipeandaáigodagas. Virgelohpeohcan sáddejuvvo Sámi Dáiddárráđđái.

14.6 Máksu

Bargostipeanda adno vearrogeatnegas bargodienasin ja máksujuvvo mánnosaččat. Vearru máksu Norgii. Stipeanda ii leat pensuvdnalasideaddji sisabohtu.

14.7 Bajit ahkerádjá ohcat stipeandda

Ii leat bajit ahkemearri ohcat bargostipeandda.

15. Bargostipeanda nuorat easkaálgi dáiddáriidda

15.1 Ulbmil

Bargostipeanda galgá addojuvvot nuorra/ easkaálgi dáiddáriidda geat leat álggahandásis, vejolašvuoda ovdánit dáiddalaččat ja addit vejolašvuoda buoridit eallindili go lea bargamin dáiddáriin. Ornet lea álggahuvvon dáiddáriidda geat eai leat badjel 35 jagi dan jagi go ohcet. Sáhtá spiehkastit erenoamáš diliid geažil. Ohccit fertejit duodaštit buori dáiddalaš dási.

15.2 Guhkkodat

Bargostipeanda juolluduvvo jagis golmma jahkái. Stipeandajuolludeamis galgá deattuhit dáiddalaš dási ja plána masa stipeandaáiggi áigu geavahit.

15.3 Eará bargooktavuođat

Čuokkis 14.3 lea seamma

15.4 Raporterengáibádus

Čuokkis 14.4 lea seamma

15.5 Virgelobit

Čuokkis 14.5 lea seamma

15.6 Máksu

Čuokkis 14.6 lea seamma

SÁMI DÁIDDÁRSTIPEANDA NJUOLGGADUSAT

16 Lotnolasstipeanda

16.1 Ulbmil

Lotnolasstipeanda galgá ovttaskas sámi dáiddárii addit vejolašvuoda bargat prošeavttain dahje čiekŋudanbarguiguin dainna ulbmilin ahte dáiddára doaibma ahtanušašii. Mánngabealat dáiddaduogáš ohcciide lea dás vejolašvuohta válljet bargostipeandda mas mánnga dáiddahámi sáhttet leat lotnolasat. Dát stipeanda soaitá lea dutnje guđes leat mánnga idea ja plána maiguin háliidivččet bargat, ja de daid čohkket oppalaš dáiddalaš ovdanbuktímii

16.2 Guhkkodat

Bargostipeanda juolluduvvo jagis golmma jahkái. Stipeandajuolludeamis galgá deattuhit dáiddalaš dási ja plána masa stipeandaáiggi áigu geavahit.

16.3 Eará bargooktavuođat

Čuokkis 14.3 lea seamma

16.4 Raporterengáibáduš

Čuokkis 14.4 lea seamma

16.5 Virgelobit

Čuokkis 14.5 lea seamma

16.6 Máksu

Čuokkis 14.6 lea seamma

16.7 Bajit ahkerádjá ohcat stipeandda

Čuokkis 14.7 lea seamma

17. Seniorstipeanda

17.1 Ulbmil

Seniorstipeanda galgá addit eallilan dáiddáriidda vejolašvuoda joatkit ja ovdánahttit iežas dáiddalaš doaimma.

17.2 Bistá

Seniorstipeanda sáhtta juolluduvvot dáiddáriidda geat leat badjel 56 jahkásaččat go stipeandaáigodat álgá. Seniorstipeandda juolludeapmi bistá gitta ealáhat ahkkái, jus stipendiáhtta ieš ii cealkke dán eret. Ealáhatagi rádjá čuovvu dan riikka njuolggadusaid gos olmmoš orru.

17.3 Eará bargooktavuođat

Čuokkis 14.3 lea seamma

17.4 Raporterengáibáduš

Čuokkis 14.4 lea seamma

17.5 Virgelobit

Čuokkis 14.5 lea seamma

17.6 Máksu

Čuokkis 14.6 lea seamma

17.7 Bajit ahkerádjá ohcat seniorstipeandda

Ohcit geat leat ollen penšunahkái eai sáhte ohcat seniorstipeandda. Penšuvdnaahki čuovvu dan riikka gos ohcci orru.

18. Oanehisáiggi stipeanda

18.1 Ulbmil

Oanehisáiggi stipeanda galgá addit dáiddáriidda vejolašvuoda bargat prošeavttain ja čiekŋudanbarguiguin vai besset joatkit ja ovdánahttit iežaset dáiddalaš doaimma oanehisáigái.

SÁMI DÁIDDÁRSTIPEANDA NJUOLGGADUSAT

Dáiddárat geat leat ožžon oanehisáigestipeandda ja geat leat ollesáigge virggis fertejit ohat virgelobi bargoaddis dan áigodagas go stipeanda galgá geavahuvvot. Virgelobiduođaštus sáddejuvvo Sámi Dáiddárráđđái.

18.2 Guhkkodat

Oanehisáigestipeandda sáhtta ohat ollesáigái 100 % gitta golmma mánnui, dahje jo 50 % njeallja gitta guđa mánnui.

18.3 Raporterengáibádus

Dáiddárat mat leat ožžo oanehisáigestipeanddaid lea geatnegasvuohta sáddet raportta mii čilge dáiddalaš doaimma stipeandaáigodagas. Raporteren galgá devdojuvvo mearriduvvon skovvá ja sáddejuvvo ovdal ođđajagimánu 15.b. jagi maŋŋil juolludeami.

18.4 Máksu

Oanehisáiggi stipeanda lea bargosisaboahu mas gessojuvvo vearru ja máksojuvvo mánnosaččat. Vearru máksu Norgii. Stipeanda ii leat penšuvnalasideaddji sisaboahu

19. Iešguđetlágan stipeanddat

19.1 Ulbmil / ulbmiljoavku

Iešguđetlágan stipeanddat galget leat ávkin ovttaskas dáiddára dáiddalaš doibmii. Sáhtta juolluduvvot doarjja ea.ea. álggaheapmái, kurssaide, mátkkiide, oahpuide, čiekŋudahttimii, ávdnasiid oastit, reaidduide ja vuovdaleapmái, konsuleantaveahkkái jna. Ii juolluduvvo stipeandda dábálaš oahppui, proševttaide dahje olggosgoluide mat leamaš ovdal juolludanjagi.

19.2 Iešguđetlágan stipeanddaid birra.

Ohamuša bajimuš ruhtarádjá juohke stipendii mearriduvvo jahkásaččat ja boahá ovdan ohcanskovis. Stipeandalávdegoddi sáhtta muhtun áššiin garvit badjerádjiesupmi. Bija ohcamuša mielde bušeahtta, meroštallojuvvon olggosgoluid, dahje vejolaš fáladagaid gálvolágideddjiin ja bálvalusain. Muite čállit ohcansupmi skovvá. Olggosgolut galget duođastuvvot stipeandaraporterema oktavuodas. Stipeanda ii sáhte geavahuvvot vuodđoohppui.

19.3 Raporterengáibádus

Sii geat leat ožžon stipeanddaid leat geatnegahton sáddet raportta stipeanddaid geavaheamis Sámi Dáiddárráđđái. Raporta devdojuvvo mearriduvvon skovvá ja sáddejuvvo ovdal ođđajagimánu 15.b. jagi maŋŋil juolludeami.

Sámi Dáiddárráđi čállingoddi dárkkista raporttaid dábálaš govtolašvuodain. Viidásat guorahallá čállingoddi ahte leago stipeanddat čadahuvvon juolluduvvon eavttuid mielde. Čállingoddi dárkkisteapmi lea dan vuodul maid stipeandaohcci ieš lea almmuhan. Čállingoddi sáhtta bivdit eambo dieđuid.

19.4 Máksu

Bealli stipeandamávssus máksojuvvo go álgá stipeanddain ja nubbi bealli ges go stipeanda lea raporterejuvvon. Vearru ii gessojuvvo, muhto diedihuvvo vearooiseválddiide.

20. Bidju doibmii

Njuolggadusat doaibmagohitet dakkaviide go leat gieđahallon Sámi Dáiddárráđi 2020 jahkečoahkkimis.